



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm IX. Nôsti.

[urn:nbn:de:hbz:466:1-62559](#)

num in eodem iure seu potestate fundati sint, an in diuersis iuribus seu potestatibus? In priore casu simul eodem actu, virtualiter dupli, expediri possunt: Ut si propter negligentiam inferiorum electorum, eligendi potestas ad superiorem deuoluta sit; tum prouisio seu institutio cum electionis, tum confirmationis vim habebit: Idemque est, si ob negligentiam patroni, Episcopus, post sex mensium spatium, alicui liberè conferat, c. licet 3. de transl. Episc. c. 2. de concess. preb. collatio ista vicem presentationis, & institutionis supplet. Sin autem actus suaptis natura diuersi in distinctis iuribus seu potestatibus fundati sint (vt in casu proposito, quando electio fit nomine aliorum, iuxta cit. 3. Si Decuriones, vbi dicitur, electionem ab ijs fieri censerunt, qui eligendi auctoritatem alteri commiserunt) tunc simul eodem actu expediri haud possunt, vt colligitur ex supra cit. c. cum inter, iun. Gl. ver. confirmavit, & c. cum inter 18. vbi id dicam not. 3. hoc tit.

4. NOTANDVM III. Si alicui commissa sit potestas eligendi Prælatum; simili terque si commissa potestas Capitanega belli, aliquumque Officialem constituendi; intelligi id debet de persona idonea: Et aliam recipere non tenetur, qui mandauit. Ita Gl. hic communiter recepta, Abb. n. 4. Butrio n. 9. & sumitur ex l. Si procurator 6. ff. de condit. indebiti, c. si compromissarius 37. hoc tit. in 6. Ratio est, quia mandans aliquid fieri, censetur velle, vt id recte, & utiliter fiat.

CAPITVLUM IX.

Nōsti.

PARAPHRASIS.

Notum est, quod Episcopus electus, priusquam a Romano Pontifice confirmationem accepit, res ecclesiæ administrare, beneficia & honores ecclesiasticos conferre non debeat. Quonobrem Alexander III. mandat alicui a se delegato Episcopo, vt Linconensi electo Apostolicâ auctoritate iubeat, si quam eiusmodi con-

cessionem, aut collationem fecit, reuocare studeat.

SUMMARIUM.

1. Electus Episcopus ante confirmationem beneficia conferre, vel aliter administrare non debet.
2. Episcopus per electionem acceptatum iurisdictionem episcopalem non acquirit (seclusa speciali concessione) sed tantum ius perenditum a Superiori, ut illam conferat.
3. Communiter docetur, si Papa via via oraculo aliquem pronunciet Episcopum, eritis Episcopus etiam nondum formatis literis: oppositum tamen videtur decretum a Bonifacio VIII. in Extravag. I. inter communes concordium Initiatione de Electione.
Prælatus post acceptam confirmationem, aliis beneficiariis post verbalem institutionem, collationem, seu investituram statim possessionem vacantem capere, administrare, & iura prælature, aut beneficio suo competencia exercere potest.
5. Si specialis consuetudo sit alicuius ecclesie, aut statutum vigeat, ne verbaler institutus, prouisus, aut confirmatus possessionem, quamvis vacantem, ijssem capiat, sed solemniter & corporaliter in eam introducatur, debet obseruari, ita vt priusquam solemnitas peracta sit, possessio acquista non contetur.

NOTANDVM Vn. Episcopus electus administrationi rerum & iurium ecclesiæ, ad quam electus est, ingere se non debet, priusquam a Papa confirmationem accepit. Ita etiam habetur in c. qualiter 17. hoc tit. & yideri potest c. nihil 44. cod. vbi limitatio aliqua continetur.

QUESTIONE prima: Num Episcopus per electionem, antequam confirmationem accesserit, iurisdictionem episcopalem habeat? Gl. in c. quanto 19. ver. relatio. ver. si qua-

rat. d. 63. quam h̄c sequitur Abb. num. 2. ad p̄ quest. hanc respondet; Quod electo per electionem acquiritur ius prælature, sed non ex exercitum prælature vel administrationis: per confirmationem autem nihil iuris noui acquiritur, sed tantum exercitum. Hæc doctrina mihi non placet; quia spiritualis & ecclesiastica iurisdictio in Episcopos non peruenit nisi per summum Pontificis auctoritatem, & concessionem; vt videlicet debitus ordo ecclæfaltice à Christo institute hierarchie obseretur, prout colligitur ex c. qualiter 17. hoc tit. & egi de hac re lib. 1. Th. moral. tr. 4. cap. 7. q. 2. Quare præstat, vt dicamus, per electionem ab electo acceptaram, ipsi iurisdictionem prælaturæ non acquiri (seclusa speciali concesione aut priuilegio Apostolicæ Sedis) sed tantum ius petendi iurisdictionem à Superiori conferandam.

Questio secunda: An cum primū Episcopus, seu Prælatus à Rom. Pontifice, electionem eius approbante, aut aliter ipsi prouidente, pronuntiatus est, etiam ante literas expeditas, iurisdictionem & administrationem consequatur? Ad questionem hanc respondet Baldus in l. Humanum n. 6. C. de legibus, quem h̄c Abb. sequitur n. 4. Tamburinustom. 1. de iure Abbatum disp. 16. q. 3. & alij communiter. Si Papa viuæ vocis oraculo quem pronuntiet Episcopum, mox, etiam nondum formatis literis, Episcopus erit: quia literæ non requiruntur ad efficiam, sed ad probationem, c. institutionis 7. causa 25. q. 2. vbi vniuersim dicitur de Apostolice Sedis decretis, siue in scripto facta sunt, siue absque scripto, sine aliqua refractione, esse obseruanda; vbi Gl. ait ver. præsentia: Sic ergo sententia Principis ius facit, litteræ non redigatur in scriptis. Atque ideo admonet Baldus in fine cit. l. Humanum, Si Papa interim moreretur, antequam litera fierent, non expiraret ius quæsum, sed deberent litera postea fieri tempore successoris, faciendo mentionem de dispositione predecessoris.

Veruntamen in Extrau. 1. inter communites, cuius initium In iuncta, de elect. à Bonifacio VIII. Pontifice decretum fuit, vt Episcopi aliud Prælati, qui apud Sedem Aposto-

licam promouentur, aut confirmantur, &c. absque dictæ Sedis literis de eorum prouisione, aut confirmatione testantibus, administrationem accipere non presumant; nullique eos, absque dictarum literarum ostensione recipere, iisque parere possint: idque sub p̄sonis ibi contentis, que tam Prælatis regimina sive administrationes exercentibus, quam aliis qui illos recipiunt, aut parent, ipso iure inferuntur. Explicat hanc extrauag. Abb. h̄c n. 4. & in cit. c. qualiter not. 1. Suar. de censur. disp. 31. sect. 5. n. 23.

Questio tertia: An eo solo, quod Prælatus à Superiori confirmationem accepit (expedita etiam scripturā, si ea necessaria sit), auctus iurisdictionis exercere, & bona ecclæsiae administrare possit; an vero necesse sit, eum prius in possessionem solemniter introduci? Respondeo, & Dico I. Spectato iure

communi, & ordinario, Prælatus post acceptam confirmationem, alijsue beneficiarius post acceptam verbalem institutionem, collationem seu inuestitutam, statim possessionem capere, administrare, & iura prælaturæ aut beneficio suo competentia exercere potest: Quandoquidem per ipsam collationem seu verbalem institutionem, canonicè factam, aliquis titulum beneficij consequitur; adeoque ius, siue facultatem, possessionem vacantem capiendi, iura competentia exercendi, bona administrandi. Ita Glossa h̄c argum. huius c. ver. confirmata, & colligitur ex c. transmissam 15. hoc tit. vbi Gl. ver. de talibus, ibidem Innoc. n. 1. Ioan. Andr. n. 6. tradit Gl. penult. in l. Priuatorum 3. C. de iurisdictione omn. Iudicium, Bartol. in l. cum solus n. 4. ff. de vsu capion. Iacobus Menochius de adipisc. possess. remedio 4. n. 182.

Dixi autem vacantem possessionem accipi posse: Sin autem alias quispiam in possessione prælaturæ, aut beneficij existat, tum non licet propria auctoritate possessionem, administrationemque capere: Effet enim hæc vitiosè acquisita possessio, in qua ita possidens defendendus non foret, sect. vlt. C. si per vim: Imò conferetur spoliasse priorem, quamvis male fidei, possessorem, argum. 1. si lex stipulatione 5. ff. de acq. possess. & c. gra-

uis 11. de restit. spoliatorū, & tradit ex communi Abb. in c. cùm super n. 15. de causa possēs. Quòd si propriè dicta violentia illata es-
set à prouiso, siue titulum consecuto, mere-
retur is priuationem iuris sui, iuxta c. eum
qui 18. de præb. in 6. & c. 2. caufa 16. q. 6. &
docet Abb. cit. n. 15. Petr. Rebuffus in praxi
beneficiaria, de miss. in possessionem. n. 3.

Dico II. Si specialis alicuius ecclesiæ con-
suetudo, aut statutum vigeat, quòd verbaliter
institutus, prouisus, aut confirmatus, posse-
sionem, quamvis vacantem, ipsem capere
non debeat; sed solemniter & corporaliter
introduci in possessionem; id obliterari de-
bet; Adeo, vt prius, quām ea solemnitas per-
acta sit, possessio acquisita non censeatur,
prout tradit Abb. in cit. cap. cùm super n. 17.
Atque vocari ea solet *installatio*; quæ olim
per Archidiaconum fieri solita est, c. adhæc
7. ver. In quadam, de offic. Archidiaconi, & c.
cùm Bertholdus 18. in princ. de sent. & re iu-
dicata.

Sed, quid ad rem facit inuestitura, quæ fie-
ri solet per bireti, anuli, aut pannorum tradi-
tionem, de qua multa Dynus in reg. 1. in 6.
Respondeo ex doctrina Ioan. Andr. in c. trans-
missam n. 13. hoc tit. Abb. in c. auctoritate n.
9. de institut., & in c. ex literis n. 10. de con-
suetud. Inuestituram interdum fieri vñā cum
verbali institutione, seu tituli traditione: In-
terdum verò post tituli collationem, seu in-
stitutionem, quæ verbo, aut scripturā fit. In
priore casu inuestitura continet, seu signifi-
cat translationem iuris actituli: vnde deinde
nascitur facultas accipiendo possessionem rei
vacantis; aut eam petendi, si ab alio corporaliter
introducendus sit inuestitus. In poste-
riore autem casu solemnitas ea inuestituræ
parlūm, aut nihil plerumque operatur; quia
titulus iam antè collatus, & ius acquisitum
est; possessio autem per inuestituram, ordi-
nari è loquendo, non transfertur, prout col-
ligitur ex l. prædia 48. de acq. poss. c. per tuas
5. iun. Gl. ver. in possessione, de donat. tradit
Innoc. in cit. c. transmissam n. 1. in fine. & do-
cui in Theol. moral. lib. 3. tract. 1. c. 7. Quem-
admodum enim in quibusdam ecclesiis con-

suetudo viget, vt electus, cum primū elec-
tioni consensit, in thronizetur, vel in altari
collocetur, quæ mera solemnitas est ad signi-
ficandum ius illi ad prælaturam inchoatiū
acquisitum; Ita inuestitura, quæ post confir-
mationem, aut tituli collationem adhibetur,
plerumque tantum significativa est iuris an-
tea accepti, nec non facultatis possessionem
vacantem intrandi, & acquirendi.

Adieci autem voculam *plerumq.*: Potest
enim interdum fieri, vt per inuestituram tra-
datur possessio rei; Si videlicet ipse possessor
antiquus, vel is qui ecclesiæ v.g. vacantis cu-
stodiā cum auctoritate habuit, in conse-
cu rei, per suprà dictam inuestituram trans-
ferat possessionem. quod fieri posse collig-
tur ex l. Quod meo, 18. §. si venditorem, ff.
de acquir. possels. & l. clauibus 74. ff. de con-
trah. empt. Et inseruit huc doctrina Gl. inc.
cùm vos 4. ver. & economistos de offic. ordi-
narij, quod Episcopus, vel alius Pralus, ad
quem pertinet institutio, debet habere custo-
diam illius ecclesia vacantis.

Q uæ s t i o quarta: Cur Pontifex in fine
huius c. mandarit Episcopo ne cum confir-
mato, vt concessiones seu collationes bene-
ficiariorum à se factas revocaret: Cùm tamen
ordinariè non sit concessum, contra pro-
prium factum venire: Eelectus sicuti po-
testatem dandi beneficia, propter defectum
iurisdictionis non habuit, ita nec cum au-
toritate auferre potuerit? Multa de hoc Gl.
fin. hic, Abb. num. 5. & seqq. Anton. n. vlt. Sed
respondeo breuiter: Non aliud Alexandrum
III. hic significare voluisse, nisi vt ex manda-
to suo diceretur Episcopo, curandum ipsi-
se, vt collationes à se male factæ rescindantur:
Quod fieri potest, si intimetur prouisus, eo-
rum prouisiones ipso iure manifestè irritas
esse: Quod si recedere nolent, tum cogi-
berent non quidem ab Episcopo ante acce-
ptam confirmationem, sed à Capitulo,
penes quod episcopalis iurisdictionis
interim resedit.

* * *

CAP.